



Parlamentarni vojni povjerenik prisustvovao sastanku s predstavnicima vojno-diplomatskog kora akreditiranim u BiH

Parlamentarni vojni povjerenik BiH prisustvovao je sastanku s predstavnicima vojno-diplomatskog kora koji su akreditirani u BiH održanom 10.5.2017. u Sarajevu.

Sastanku su prisustvovali i predsjedavajući Zajedničke komisije za odbranu i sigurnost BiH Sifet Podžić, članovi Komisije Borislav Bojić i Hazim Rančić, dok je delegaciju akreditiranih vojnih atašea u BiH predvodio njihov doajen pukovnik Martin Herrmann.

Parlamentarni vojni povjerenik BiH Boško Šiljegović upoznao je predstavnike vojno-diplomatskog kora u BiH sa stanjem poštivanja ljudskih prava i osnovnih sloboda vojnih lica i kadeta u OSBiH. Vojni povjerenik apostrofirao je oblasti u kojima su uniformirana lica u OSBiH najčešće podnosila žalbe na kršenje ljudskih prava, a tiču se procesa unapređenja u OSBiH, uslova života i rada u jedinicama i komandama OSBiH, te nedostatka materijalnih i materijalno - tehničkih sredstava.